



مركز الانطلاقة للدراسات

ALENTILAQAH RESEARCH CENTER (A.R.C)



يحررها خالد غنام أبو عدنان - استراليا

موائد الرحمن الرمضانية في فلسطين



رباط الكرد

يُعرف شعبياً باسم حوش شهابي ويقع في باب الحديد ملاصقا لسور الحرم الغربي، وتحديدا على يمين الخارج من الحرم من هذا الباب، أسفل المدرسة الجوهريّة، ومقابل المدرسة الأرغونية. ينسب إلى منشئه وواقفه الأمير المقر السيفي كرد (صاحب الديار المصرية) في العام 693هـ/ 1294م. وفي العصر العثماني أصبح كثير من الرُّبَط ملاجئ للفقراء، نساء ورجالا، يقدم لهم فيها الطعام وتصرف المساعدات المختلفة.

من الكنايات الشعبية

- 1- قلة عقل: أي أنه متهور ولا يتروى بتفكيره.
- 2- القلوب عند بعضها: أي أنني أشعر بالحب اتجاهك كما تشعر أنت اتجاهي.
- 3- قليل الأصل: أي غير معروف النسب وشرش أهله مقطوع.
- 4- قليل الحيلة: أي بطيء الفهم جاهل بالأمر.



حكاوي الشاطر حسن : تأليف خالد غنم أبو عذنان : الشاطر حسن وشقلوبة

بذنا نحكي كلام يخلينا نسهر وما نام، يا سامعين يا كرام نبدا الحكي بالصلاة والسلام على النبي عليه ألف صلاة وسلام. كان في زلمة فلاح عنده أرض كبيرة وكان يزرعها مكائي قمح وشعير، كان عنده ثلاث أولاد بس مش راضي يجوزهم من بنات البلد، وكان يقول في طير يمانى لونه فضي مثل الحمام بري، كان يوقف فوق الفزاعة ويقول اذكروا ربكم وإسمع مرسل السماء، إلك ثلاثة أولاد واحد رح يصير باشا وثاني رح يصير قلاعي وبطل معك واحد، بس خلي كل واحد يسرح بدروب العوجا بطلعوا عزابية ويرجعوا عرسان. وظل الفلاح يسمع كلام الطير شهور وسنين وكان يرد عليه ويقول بأمرك يا مرسل السما بس ما بطلعوا الا سوى وليصير صغيرهم خيال على فرس، كان الولد الكبير اسمه علي والوسطاني حسين والصغير حسن . ومرقت الأيام وصار الشاطر حسن شب مزبون وصار خيال على فرسه، قام أبوه جمعه مع إخوته وحكاهم عن مرسل السما والطير اليماني، وأعطى الفلاح لكل واحد من وأولاده صرة مصاري ذهبية وفرس ومونة بالقيح معيبة وقالهم العوجا وادي فوق جبل وميئة طالعة طلوع وشجر واقف على ورده، لا تشربوا من ميئتها ولا توكلوا من زرعها بدمك تقطعوا دروبها وتشوفوا وين فرسكم بتوقف بتطلبوا بنت صاحب البيت عروس بالحلال وبترجعوا العندي، حكالي المرسل إنه دروبكم صعبة ورح تشوفوا الوليل، ويابا يا حبايبي الدنيا بدما الشب الناشف والقلبه قوي وما بهرب إلا ليرجع بهجم، والبنبت بدما شب يحميها وإن كنتوا رايبين رضاي تسيروا بدروب العوجا تا تلاقوا العرايس واللي ما بده يروح ما يعاود على داري يروح بنام مع القلاعية بالعريشة ومن بكرأ بصير مثلهم يشغل أجبر وما يعاود صاحب أرض ولا دار ومن كيسه يحوش ويتزوج .

الثلاث شباب سلموا على أبوهم وراحوا على باب المغارة اللي بتودي على دروب العوجا وهناك لقوا عفريت نايم، هزوه بالعصي والا قالهم لما يطفى القمر بفتحك الباب وغير هيد يا قاتل يا مقتول، الشب الكبير اللي اسمه علي كان متسرع وعلى ذبح العفريت متشجع، طلع سيفه وهجم عليه وإلا نفخ العفريت على سيفه صار دخان أسود وطار بالسما العالية، إجا بده يرفسه بحصانه وإلا نفخ العفريت عليه فصار يذوب تا إنه صار وحلة تحته، إطلع فيه العفريت وقاله إذا بدك تعيش إرجع لعند أبوك وإذا ظليت مطررك رح أنفخ وأحرقك وتصير جمر صوان لا يتنطفى ولا بتصير نار، خاف علي كثير وقال لإخوته يا الله نهرب وتمه هارب وما ظل وراه لحد ما وصل أرض أبوه، شافه أبوه قام قله على العريشة يا علي ولا تناطقني جمعيتي خزيتي وسودت راسي . أما حسن وحسين فضلوا يستنوا القمر تا يطفى ويخلص الشهر ما هو العفريت قالهم إنه كل شهر بفتح الباب ليلتين ثلاث وبس، ولما صار الوقت نادى عليهم العفريت وقالهم تفضلوا فوتوا ويا بترجعوا حاملين يا بجبيوكم محملين وهذي الدنيا العوجا، حاكمتها إنا شقلوبة لا تزعلوها بتتجوا، وأول ما دخلوها شافوا طريق مفرقة دروب والميئة طالعة من وادي وفايتة بالنبعة والورد بوكل عصافير وظل الشجر شحار ونار، قال حسين لإخوه حسن هون المفرك اللي رح يفرقتا، أنا فايبت ومش راجع إلا بعروس ومهما شفت رح أكمل دربي لآخره، رد عليه حسن وكمان مثلك رح أروح أجيب عروسة بكل حلاتها . فات حسين على وحدة من الدروب والا شاف جمل بغوص بالوحل وعلى سنامه هودج مغطى بالحريز ومن جواته بنت تصيح يا حسين خذ الجمل بما حمل وإلا رح أموت قدام عينك، إجا بده يقرب على الوحل وإلا فرسه وقف مطررك، ما هو شايف الجمل غايص لشو بده يصير لايص، قام دار حاله وبده يكمل دربه، وصار يشوف الجمل بغوص وما ظل إلا اليهودج طلعت بالبنبت فوق اليهودج تصير يا حسين، وهو شافها بنت مزيونة مثل لهطت القشطة، إطلع عليها وقالها شقلوبة شقلوبة البنبت الحلوة يا هبله يا مخومة، ودار ظهره وكمل دربه، والا الأرض شفت الوحل وصار الجمل بنت مثل القمر وأما البنبت اللي بالهودج فصارت طير أصفر محبوس بققص، قالته البنبت وهي حاملة طيرها، إذا قلبك قوي بنمشي بالدروب شهر زمان بنلم ذهب وياقوت وإذا فيني اكتفيت خلينا نرجع على باب المغارة قبل ما يسده العفريت، رد عليها حسين أنا جاي بدي عروس وهياتك صرتي على فرسي والليله بتنامي على فرشتي وظله راجع لباب المغارة سلم العفريت وكمل دربه ولما شافه أبوه قاله أنت هيد يا حسين بتوكل وما بتتحلى بس أنا مبسوط منك كثير وفوت أنت وعروستك أوضتكم جاهزة ومبروك علي هاي واحد من أولادي رح بنام بالدار .

أما الشاطر حسن لما فات بالدرب العالي كان فرسه بتشعبط على الجبل لحد ما هلك وبطل قادر يطلع خطوة لقدام، نزل الشاطر حسن تا يمشي قدماه ويخفف عنه احماله، بس أول ما دعس الشاطر حسن على الأرض بلعته هو وفرسه وصار يتزحلق مقربط بفرسه ولا هو قادر يلمس حيطان البير ولا إنه شايف أوله من آخره، ظلمه يتسحسلا تا إنهم طبوا فوق حلقة دبكة وناس قايمة قاعدة اشي برقص واشي بوكل مناسف واشي بتحلى بكنافة، ولما سأل الشاطر حسن وين صار هو وفرسه قالوا له أنت بعرس الأميرة حريرة على ابن الراعي، وهي قلبها معلق فيه وينياله هو وكل أهله، ظل الشاطر حسن وعرف إنه دربه شمالي، راح لعند ابن الراعي وقاله تعال معي مشوار تا تعيش قاله بدك تدعس على خيال حريرة عيشين ينكسر المحبس اللي بصبعي، أما إذا هربت معك بروح ملكي، قام الشاطر حسن جاب حبل وربط ابن الراعي تا يسحله وراه وقال لحاله يا شقلوبة يا إم بلاد مقلوبة إيش حكى ابن الراعي مقلوبة صحيح وإيش أنا بدي غير عروسة غندورة، وصار يركض بفرسه على الدرب الشمالي وكان ابن الراعي يصرخ ويتوجع وبعد شوي انقطعت انفاسه بعدينش شد الفرس تا إنه وقف ظل عليه الشاطر حسن والا شاف عروسة مزيونة، سألها أنت الأميرة حريرة، قالتله يا ريت أنا جارية من جواريها، بس إذا بدك بتزوجك وبرجعك لعند أهلك الليلة وينعيش على ذمة الله وأحبابه . حطها الشاطر حسن على فرسه ومشى قدامها وقالها دليني وين الأميرة حريرة، ردت عليه بدك تفكها من حبسها تا تنولها وتصير سلطان عليها وعلينا، وأشرت له يلمس شجرة خروب ناشفة، وبعد ما لمسها طارت الجارية والفرس، وقالته أنا رايب على دار أبوك إذا بترجع لحالك أنا عروستك وإذا بترجع مع الأميرة أنا جاريها، ولما بعد إيدته عن الشجرة نزل عليه جدائل شعر وصارت تلف حوليه وهو كل ما تقرب عليه جدولة كان يلمس عليها ويوخذ منها بكلة، ولما نزلت آخر خصلة مسكها وباسها، قام صارت بساط تحت رجليه، قعد عليه والا طار فيه، وطلع فوق الشجر وصارت الشمس قوية وعطش كثير، وصار العرق يزررب منه، داخ من الشوب نزل طير أزرق وقاله اشرب من ثمي تا أرويك. قام الشاطر حسن طلع البكل من كفه وصار يربط جناحان الطير الأزرق ودعس عليها وبالخواة فتح منقاره وتف بثمه وقال لحاله يا شقلوبة يا إم بلاد مقلوبة إيش حكى ابن الراعي مقلوبة صحيح وإيش أنا بدي غير عروسة غندورة، وإلا قلب الطير لحصان صقلاوي زرافه ما شافته عين ركب عليه الشاطر حسن وقال ازرق دار بدار عاتي يتمطوح يتمطوح وسيف لاح عجناب يجي مصوب مثل الطير الجارح نسر مرابي عالوغي ماهوش عقاب، وإلا نط الحصان بالهوا وصار يطير بين الغيوم ونزل على قصر معمور، فات عليه ونزل الشاطر حسن قدام أكل ممدود من كل صنف معلوم وشراب ألوان وفنون، قاله الشاطر حسن بحيات البكل اللي فكنت سحرك ورجعتك لأصلك وين درب الأميرة، رد عليه الحصان: إنت ما تشتهي الأكل ولا الشرب، رد عليه الشاطر حسن سألتك وما جاوبت يا بتطيعيني يا بتومت، قام طار الحصان فوقه وقاله إذا بدك بحملك لعند أهلك وإذا أنت ظليت أنا سابقك على بيت أبوك، وطار الحصان وظل الشاطر حسن. ظل من الشباك لقي سباع وحيايا، صار يحمل الأكل ويكب فيه من الشباك والسباع توكل وترقص أما الحيايا ظلت بأرضها، أخذ الشراب وصار يصب فيه على الحيايا، وإلا صارت الحيايا فرسان مدرعة وقلبت السباع خيول مسومة، نزل الشاطر حسن وقالهم يا الله نذبح شقلوبة ونحرر حريرة، نزل بساط الجدايل وصار فيل بعشر خرطوم وعلى راس كل خرطوم سيف مسلول، قالهم الشاطر حسن بذنا نروح راجعين وتكون بظهرنا شايقين، وصاروا يمشوا لورا وإيدهم ممدودة بالسيوف مسنونة حتى وصلوا حلقة دبكة، نزل عليهم من السما صقور بترمي نار وبدروع الفرسان صدوها وسيوف الفيل قتلوها، وطلع من الأرض حية بسبع روس تبيخ شلال سم، قام رمى عليها الشاطر حسن بكلة حريز وإلا قلبت الحية وصارت خمسين فار وهاج الفيل وخاف بس الفرسان دعوسوا عليهم، وشاطر حسن تشعبط على دالية ونزل بالبير لحاله، طلعت بوجهه شقلوبة، قالت له: بدك حريرة خذها وروح وإلا بتومت وبتطلع الروح، قالها وين هي رد عليه بالدرب الشمالي، لف الشاطر حسن قاصد الدرب اللي على يمين وإلا رميت عليه سهم بنص ظهره، قام سحبه وحبس جرحه بكلة، إجت هجمت عليه، والا سمع صوت اضرب السهم بعينها اليمين، قام هجم عليها وهي بطحته وبزقت على صباحه نار، وظله يعارك فيها تا فلنت إيدته اليمين، قام بعز عينها اليمين، سسخت بين إيدته وذابت وصارت نار حركت إيدته شكلها على أرض ودعس عليها، وإلا شاف حاله طاير بالسما ونزل على القصر اللي فيه الأكل الممدود وصفوف الفرسان واقفة والجواري بتغني وطلت الأميرة حريرة وقالت له يا سلطان السلاطين أنت حاكم العباد ومالك البلاد وأنا من الله لك عروسة. وجاب أهله وعملوا عرس سبع ليالي وهيك خلصت حكايتنا.


أكلات كريمة: يَحْمِيك

حلوى شعبية تباع في صينية مستديرة واسعة حيث يقسم البائع الحلوى إلى ستة أقسام. يقع في وسط الصينية عمود تتفرع منه قطعة من الحديد الأسود في طرفها سهم، وفي كل قسم من الأقسام الستة: حلوى مكونة من السكر المعقود الممزوج بنوع من البهارات مثلاً: قسم فيه: (زنجبيل وسكر معقود) وسم ثان (كبس القرنفل والسكر المعقود) وثالث فيه (قرفة وسكر معقود).. إلخ وعند البيع يضرب البائع الحديد على السهم، فتدور بسرعة حول نفسها، ثم تبطئ سرعتها لتقف أخيراً وقد أشار سهمها على أحد هذه الأقسام الستة فيكون نصيب المشتري.

صور التراثية



الألغاز شعرية



- 1- من دون ذنب بضربه بيو * وبدفنو مطرح ما اندفن خيو * لو مال خسرو والتوا ليو * بتمر إمه بتنشلو بيقوم.
(المسار والكماشة)
- 2- وجارية عظم الله طولها * ولادها من بطنها بتكلموا * حلفت لا تجيب إلا الذكور * والإناث عليها تحرموا.
(الجامع والميدنة)
- 3- وساكن رسم طعمه عند راسه * إذا ذاق من ذاك الطعام تكلموا * يقوم ويمشي صامتاً متكلماً * ويرجع للرسم الذي منه قوم * فلا هو حي يستحق كرامة * ولا هو ميت يستحق الترحم.
(قلم الحبر)
- 4- صبية ومحسنة يحلي لي قدها * وبين الإصبعين يا شب مدها * ثلاث قطفات قطفوا خدها * ورأسها من ورق الكتاب.
(السيكارة)
- 5- جرى خدي على دمعي عجيبي * وصدرها لوح للكاتب عجيبي * إلا ناس شفتكن عجيبي * بتحبل وبتجيب كا تشوف الضنا.
(الخلد)



واحد نابلسي واقف قدام الكعبه وبدعي يارب
سامحني كنت احكي نكت عن الخلايله



اجا عنده واحد خليلي قلّه يا اخ لو سمحت
وين القبلة
؟؟؟؟



قال شايف يارب هممه بنكشوني



صدر حديثا

يوميات شاب فلسطيني

صدرت الطبعة الثانية من كتاب "يوميات شاب فلسطيني - حياة سامي عمرو 1941-1945"، عن المؤسسة العربية للدراسات والنشر، وجمع هذه اليوميات أستاذة تاريخ الشرق الأوسط في جامعة توسون في ميريلاند، كيمبرلي كاتز، وترجمتها ابتسام خضراء، فيما حققتها وحررتها كارول خوري.

